

**JAVNO KOMUNALNO PREDUZEĆE
„PANNONICA“ d.o.o. za sportsko
rekreativne aktivnosti TUZLA**

Šetalište Slana Banja bb, 75000 Tuzla, Bosna i Hercegovina
Kantonalni sud u Tuzli, broj: 032-0-Reg-09-11-00-1237
Račun broj: 1321000311574872, NLB Tuzlanska banka, d.d. Tuzla
ID broj: 4209598600008; PDV broj: 209598600008
Porezni broj: 03011041
Telefon/fax: +387 35 246-711; e-mail: panonica@bih.net.ba

Broj: 510/19

Datum: 29.03.2019. godine

Na osnovu člana 100. Zakona o javnim nabavkama Bosne i Hercegovine (Službeni glasnik BiH broj: 39/14), a postupajući po žalbi od 27.03.2019. godine izjavljenoj od strane Advokata mr. sc. Adnan Novo, Jadranska 1, Sarajevo koji zastupa ponuđača Defter d.o.o. Sarajevo, podnesenoj JKP Pannonica d.o.o. Tuzla dana 28.03.2019. godine na tendersku dokumentaciju u postupku javne nabavke „Nabavka i sukcesivna isporuka sredstava za čišćenje, održavanje higijene i sitni potrošni materijal“ za koji je objavljeno Obavještenje o javnoj nabavci broj 236-7-1-53-3-9/19 od 22.03.2019. godine, direktor JKP Pannonica d.o.o. Tuzla, dana 29.03.2019. godine, donosi

R J E Š E N J E
o usvajanju žalbe

Usvaja se u cijelosti žalba od 27.03.2019. godine, izjavljena od strane Advokata mr. sc. Adnan Novo, Jadranska 1, Sarajevo koji zastupa ponuđača Defter d.o.o. Sarajevo na Tendersku dokumentaciju broj 438/19 od 22.03.2019. godine u postupku javne nabavke „Nabavka i sukcesivna isporuka sredstava za čišćenje, održavanje higijene i sitni potrošni materijal“ za koji je objavljeno Obavještenje o javnoj nabavci broj 236-7-1-53-3-9/19.

Ovo Rješenje je osnov za preduzimanje radnje ispravljanja od strane Ugovornog organa i izmjenu Tenderske dokumentacije broj 438/19 od 22.03.2019. godine.

Ugovorni organ će o preduzetoj radnji izmjene obavijestiti sve potencijalne učesnike u postupku, te će ovo Rješenje biti objavljeno na web stranici Ugovornog organa.

Rješenje stupa na snagu danom donošenja.

Obrazloženje

Postupak javne nabavke: Nabavka i sukcesivna isporuka sredstava za čišćenje, održavanje higijene i sitni potrošni materijal je pokrenut Odlukom o pokretanju broj 437/19 od 22.03.2019. godine. Procijenjena vrijednost javne nabavke bez PDV-a je 10.000,00 KM, a postupak se provodi putem konkurentskog zahtjeva za dostavu ponuda. Obavještenje o nabavci broj 236-7-1-53-3-9/19 je objavljeno na portalu javnih nabavki dana 22.03.2019. godine.

JKP Pannonica d.o.o. Tuzla je dana 28.03.2019. godine zaprimila žalbu od 27.03.2019. godine, od strane Advokata mr. sc. Adnan Novo, Jadranska 1, Sarajevo koji zastupa ponuđača Defter d.o.o. Sarajevo (u daljem tekstu: *Žalilac*) na Tendersku dokumentaciju broj 438/19 od 22.03.2019. godine

Ugovorni organ JKP Pannonica d.o.o. Tuzla konstatuje da je žalba blagovremena, dopuštena i izjavljena od strane ovlaštene osobe.

U žalbi je navedeno da je žalba izjavljena zbog pogrešne primjene Zakona o javnim nabavkama BiH, jer *Žalilac* smatra da je Ugovorni organ sačinio tendersku dokumentaciju suprotno odredbama navedenog zakona zbog slijedećih navoda:

„Naime, Ugovorni organ je pod

A- Podaci o predmetu javne nabavke u tački 1. Opis predmeta nabavke propisao

*Ponuđač je dužan obezbijediti dispanzere na korištenje putem reversa, u slijedećim količinama:
dispanzer za toaletni papir u listićima – 51 komad;
dispanzer za higijenske kuhinjske brisače – 39 komada i
dispanzer za tečni sapun – 39 komada.*

Dispanzere je potrebno postaviti na adresi Ugovornog organa. Dimenzije dispanzera moraju odgovarati ponuđenom toaletnom papiru u listićima i higijenskim kuhinjskim brisačima.“

Žalilac smatra neprimjerenim zahtjev Ugovornog organa za instaliranje profesionalnih držača higijenskog materijala na besplatno korištenje, te smatra da Ugovorni organ nema pravo zahtijevati da ponuđač/kandidat uz robu koja je predmet nabavke instalira besplatno i neku drugu robu. Žalilac se poziva na odredbu člana 2. stav 1. tačka a) ZJN BiH kojom je definisano da je ugovor o javnoj nabavci ugovor sa finansijskim interesom koji se zaključuje u pisanoj formi između jednog ili više dobavljača ili više ugovornih organa sa ciljem nabavke robe, usluga ili izvođenja radova.

Žalilac smatra da se niti jednom odredbom Uputstva za pripremu modela tenderske dokumentacije i ponuda ne propisuje da su ponuđači dužni Ugovornom organu obezbijediti određenu robu bez naknade ili na revers, što znači da je u konkretnom slučaju dio tenderske dokumentacije suprotan odredbama Uputstva za pripremu modela tenderske dokumentacije i ponuda.

Žalilac smatra da se aparati moraju staviti kao zasebna stavka u Obrascu za cijenu ponuda, te predlaže Ugovornom organu da žalbu usvoji i dio tenderske dokumentacije izmijeni u navedenom dijelu, a žalitelju nadoknadi troškove sastava žalbe.

Ugovorni organ je žalbu razmotrio, te žalbene navode Žalioca smatra osnovanim.

Postupajući u skladu sa odredbama člana 100. Zakona o javnim nabavkama Bosne i Hercegovine (Službeni glasnik BiH broj: 39/14), donesena je odluka kao u dispozitivu.

Postupajući po žalbi i djelujući u skladu sa navedenim članom ZJN, JKP Pannonica d.o.o. Tuzla donosi Rješenje o usvajanju navedene žalbe u cijelosti i istovremeno preduzima radnju ispravljanja na način da Izmjenom Tenderske dokumentacije ne uslovljava ponuđača za besplatno postavljanje robe uz robu koja je predmet nabavke, već se predmetni dispanzeri potražuju u okviru Obrasca za cijenu ponude.

Ugovorni organ JKP Pannonica d.o.o. Tuzla će Žaliocu nadoknaditi tražene troškove.

Pouka o pravnom lijeku: Protiv ovog Rješenja se može izjaviti žalba Uredu za razmatranje žalbi (URŽ), putem Ugovornog organa u roku od 5 (pet) dana od dana prijema Rješenja.

Dostavljeno:

1x DB-Mreža Doboj
1x Amplitudo d.o.o.
1x Mix Company d.o.o. Kiseljak
1x Mon Trade d.o.o. Tuzla
1x Dita 1977 d.o.o. Tuzla
1x DMF Office d.o.o. Tuzla
1x BBS Europe
1x Ekapija d.o.o.
1x Hemija d.o.o.
1x Defter d.o.o. Sarajevo
1x Bosna – kom d.o.o. Gračanica
1x Inter-com d.o.o. Zenica
1x Ecotime d.o.o. Sarajevo
1x Alfadivit d.o.o. Živinice
1x Company- dis d.o.o. za proizvodnju, trgovinu i usluge Tuzla
1x Bingo d.o.o. Export Import
1x R&S d.o.o. Sarajevo
1x SQ



Direktor

Majid Porobić